

Waiata #1
Haere Mai Ra

Haere mai rā, haere mai rā
Ngā iwi o te motu nei
Ki runga te Marae o Tangoio
Kia mihi atu mātou e

Awhinatia rā, Arohatia rā
Ngā iwi tamariki e tū nei
Te Rangatahi e, Te Rangimarie
Ka haere tonu tātou e

Whakarongo ki ngā hau e whā
E pupuhi ake nei
Whiua te aroha ki te takiwā

Haere mai rā, haere mai rā
Ngā iwi o te motu e
Ki runga te Marae o Tangoio
Kia mihi atu mātou e
Kia mihi atu mātou e

<p>Waiata #2 Whakarongo Mai</p>	<p>Whakarongo mai te iwi nei Tēnei te reo o mātou nei (<i>mātou nei</i>) Haruru e te maunga Te moana ā Tangitū</p> <p>Piki mai rā, kake mai rā Ngā iwi katoa Anei mātou o Tangoio e</p> <p>Ka kati a Tangitū (<i>Tangitū</i>) Ka tūwhera a Haruru (<i>Haruru</i>) Ka kati a te Maunga Ka tūwhera a Tangitū</p> <p>Nō reira rā, kia ora rā Ngā iwi katoa Anei mātou o Tangoio e Anei mātou o Tangoio e</p>
---	--

<p>Waiata #3 Kua Tūwhera</p>	<p>Kua tūwhera Te whare nei ā Tangitū Pūpuri puri Ō tatou ringaringa Hei hono i te aroha Kua huaki Nō reira nau mai, haere mai E ngā iwi e Ki roto i a Tangitū</p>
<p>Waiata #4 Piki Mai Kake Mai Rā</p>	<p>Piki mai, kake mai rā Ki runga te marae e Maranga, maranga mai rā E te iwi Tēnei mātou ngā mokopuna ō Anaru Kune Nau mai rā Haere mai rā Ki Tangoio e</p>

<p>Waiata #5 Haruru te Maunga</p>	<p>Haruru te maunga Tangitū te moana Te Ngarue e rere ana e Pāpaki kau ana Te Waiū ō Tūtira Nika rā te rohe nei Ō Tangoio e</p>
<p>Waiata #6 Tangoio te Marae</p>	<p>Tangoio te marae Tangitū te kii kōpu Te Pūnanga Te Wao te wharenuī</p> <p>Piki mai, kake mai Homai rā te waiora Kia ū, kia mau, ana koa</p> <p>Tīhei a Mauri Ora (<i>Hii!</i>) E te iwi e Kei konei te whānau Ngāi Tatara, Ngāti Kurumōkihi, Ngāi te Ruruku, Ngāti Tū – e mihi atu nei ee</p> <p>E mihi atu nei, Kia Ora rā</p>

Waiata #7
Kia Haruru a
Maungaharuru

Kia haruru a Maungaharuru
Me tūtira te puninga!

Kurumōkihi, Ngāi Tatara e, Marangatūhetaua
Ngāi Te Ruruku ki Tangoio
Nika rā ngā hapū e

Pāpaki kau ana ngā tai ō
Tangoio, Tangitū, Waipātiki, Arapawanui,
Waiōhinganga
Te Ngarue me Waikare
Ō tātou waiū e

Pōkarekare ana ngā roto
Ōrakai, Opouahi, Waikopiro, Tūtira, Te Pohue
Pūnanga Te Wao
Hai pātaka kōrero
Mō āna whakahina e

Kia tairanga ngā mahi
Ki ngā pānga whenua
Me ngā waiū hoki
Kia toitū te mana o te Ao Tūroa
Kia pūmau ai te wahanga mō ngā ino

Kia haruru a Maungaharuru...
Me tūtira te puninga
Me tūtira te puninga - HIII!